



—

Ntsheketo lowu i wa Kgothatso Mantjane.

U tswariwile hi 1986 ePolokwane endhawini leyi  
vuriwaka Seshego.

Nhwana loyi u tswariwile na vuvabyi byo ka byi nga  
tolovelekangi lebyi vaviseke mavoko na milenge ya  
yena.


Kambe u kule a va mutlangi wa nd huma wa thenisi.



Hikokwalaho ka vuvabyi bya Kgothatso, madokodela a va fanele ku tsema nenge wun'we ehansi ka tsolo. U tirhisu nenge wo endliwa.

Loko a ha ri n'wana, vana van'wana a va nga lavi ku huhwa na yena hikokwalaho ka xiyimo xa yena.

Kambe mana wa yena a nga n'wi voni a hambana na vana van'wana. A ri na mitirho ya le kaya ku fana na vana van'wana.



Mana wa Kgothatso u n'wi yisile exikolweni xa *Helen Franz Special Needs*. Lexi i xikolo xa vutsoniwa.

Hi le ka xikolo lexì laha a kombiseke nyiko ya yena ya mitlangu.

Exikolweni, va n'wi dyondzisile ku cina micino ya *Ballroom* na *Latin American*.



Un'wana wa vadyondzisi va Kgothatso u n'wi hlawurile ku yimela xikolo xa vona eka thenisi ejoni.

Kgothatso a nga si tshama a tlanga thenisi.

Kgothatso u ri, "A ndzi fanele ku swi endla leswi hikuva ndzi dyondzisiwile ku xixima lavakulu."



Kgothatso u ve a tlanga kahle ku yimela xikolo xa yena.  
Laha hi kona a sunguleke ku tlanga thenisi ya le ka  
whilichere emisaveni hinkwayo.

U ve a nyikeleriwa hi whilichere na swiambalo swa thenisi.



Kgothatso u sungule ku nghenelela eka miphikizano ya thenisi eka misava hinkwayo.

U tekile masagwati eBelgium na le Switzerland.  
Thonamente ya thenisi ya le Swisa hi yona a yi rhandzaka swinene.

EAfrika-Dzonga, u xiximiwile ku ringana kanharhu tanihi waxinsati wa mitlangu wa lembe.



Hi malembe ma 2013 na 2014, Kgothatso u ve na xiave eka thonamente ya thenisi eAustralia, Furwa na Amerika.


U tlangile thenisi ya n'wayexe, a ri yexe. Laha u va a tlanga na ntlawa wumbirhi wa vatlangi na vatlangi vambirhi.



Kgothatso u tlhele a tlanga na le ka tipharalimpiki, ku nga ntlangu wa tiolimpiki wa vutsoniwa lava tlangaka mintlagu.


Ku tiolola eka mphikizano wa muxaka lowu a swi tika,  
kambe Kgothatso a nga tshikanga.

Wa ha phikizana na sweswi eka Xipano xa Tipharalimpiki ta Afrika-Dzonga.




Kgothatso u tlhele a tirha hi matimba eka swa tidyondzo. U yile eYunivhesiti ya Vhenda laha a endleke digiri ya Sayense ya Vuhungasi na Mitlangu.

EYunivhesiti, ntlangu wa thenisi ya whilichere a ku ri wona ntsena a wu tlangiwa hi vanhu lava nga na vutsoniwa.



*Wimbledon* ya le Nghilandhi hilaha ntlangu wo duma wa thenisi wu khomeriwaka kona lembe na lembe.


Hi lembe ra 2018, Kgothatso u vile muntima wa xisati wo sungula wa Afrika-Dzonga ku va a fikelela ku ya ka *Wimbledon*.



Kgothatso u ve a ya eNghilandhi ku ya tlanga eka thonamente ya *Wimbledon*.

Kambe a nga ri na mali yo hakela xihahampfhuka na byetlelo.

Kgothatso a vilela hi mhaka leyi kambe u ve a pfuniwa hi ntlawa wa van'wabindzu va xisati.



Thonamente ya *Wimbledon* ku vile thonamente ya *Grand Slam* ya vumune ku va Kgothatso a yile eka yona.

Tithonamente ta vumune ta misava hinkwayo ya mphikizano ti vuriwa *Grand Slam*.

U vile Muafrika wo sungula wa mutlangi wa thenisi ya whilichere wo phikizana eka thonamente ya vumune ya *Grand Slam* eka lembe rin'we.



Kgothatso i mutlangi wa le henhla wa thenisi ya whilichere eAfrika-Dzonga na le Afrika. Hi un'wana wa vatlangi vatlhanu va thenisi ya whilichere emisaveni hinkwayo.

Ehenhla ka leswi a nga humelela eka swona, Kgothatso u pfuneta vatlangi van'wana va vatsoniwa.

I xikombiso xa leswaku u nga endla swin'wana na swin'wana hambi u ri na vutsoniwa.



## —Swivutiso

1. Xana Kgothatso Montjane i mani?  
Hlamusela.
2. Xana Kgothatso u sungule njhani ku tlanga  
thenisi?
3. Xana vito ra xikolo laha Kgothatso a  
dyondzeke ku cina micino ya *Ballroom* na  
*Latin American I* mani?
4. Hi yihi ndhawu leyi Kgothatso a a  
phikizaneke ka mune eka thonamente ya  
*Grand Slam*? Hikwalaho kayini leswi swi ri na  
nkoka?



---

Ntsheketo lowu wu endliwile na ku tsariwa hi  
Xitswana tanihi xiphemu xa phurojeke ya  
switirhisawa swo hlaya swa Zenex Ulwazi Lwethu hi  
2021.

